



Llywodraeth Cymru  
Welsh Government

---

## **DATGANIAD YSGRIFENEDIG GAN LYWODRAETH CYMRU**

---

<b>TEITL</b>	<b>Rheoliadau Organeddau a Addaswyd yn Enetig (Diwygio) (Ymadael â'r UE) 2018</b>
<b>DYDDIAD</b>	<b>20 Tachwedd 2018</b>
<b>GAN</b>	<b>Julie James AC, Arweinydd y Tŷ a'r Prif Chwip</b>

### **Rheoliadau Organeddau a Addaswyd yn Enetig (Diwygio) (Ymadael â'r UE) 2018**

#### **Cyfraith [yr UE a ddargedwir] sy'n cael ei diwygio**

Deddfwriaeth wedi'i diwygio gan Rheoliadau Organeddau a Addaswyd yn Enetig (Diwygio) (Ymadael â'r UE) 2018

Rheoliadau Organeddau a Addaswyd yn Enetig (Asesu Risg) (Cofnodion ac Esemptiadau) 1996

Rheoliad (EC) Rhif 1946/2003 ar symudiadau trawsffiniol organeddau a addaswyd yn enetig

Rheoliad (EC) Rhif 1830/2003 ar y gallu i olrhain organeddau a addaswyd yn enetig a'u labelu a hefyd ar y gallu i olrhain cynhyrchion bwyd a phorthiant a gynhyrchir o organeddau a addaswyd yn enetig

Rheoliad y Comisiwn (EC) Rhif 65/2004 yn sefydlu system neu ddatblygu a neilltuo rifau adnabod unigryw ar gyfer organeddau a addaswyd yn enetig

Penderfyniad y Comisiwn 94/730/EC yn sefydlu gweithdrefnau mwy syml ar gyfer rhyddhau'n fwriadol i'r amgylchedd blanhigion a addaswyd yn enetig

Penderfyniad y Cyngor 2002/812/EC yn sefydlu diwyg yr wybodaeth gryno ar gyfer rhoi ar y farchnad organeddau a addaswyd yn enetig fel cynhyrchion neu o fewn cynhyrchion

Penderfyniad y Cyngor 2002/813/EC yn sefydlu diwyg yr wybodaeth hysbysu gryno ar gyfer hysbysiadau ynghylch rhyddhau'n fwriadol i'r amgylchedd organeddau a addaswyd yn enetig at ddibenion heblaw am farchnata

Penderfyniad y Comisiwn 2003/701/EC yn sefydlu diwyg ar gyfer cyflwyno canlyniadau rhyddhau'n fwriadol i'r amgylchedd blanhigion uwch a addaswyd yn enetig at ddibenion heblaw am eu rhoi ar y farchnad

Penderfyniad y Comisiwn 2009/770/EC yn sefydlu diwyg adrodd safonol ar gyfer cyflwyno canlyniadau monitro rhyddhau'n fwriadol i'r amgylchedd organeddau a addaswyd yn enetig, fel cynhyrchion neu mewn cynhyrchion, at ddiben rhoi ar y farchnad.

Penderfyniad Gweithredu'r Comisiwn (EU) 2016/321 yn addasu cwmpas daearyddol yr awdurdodiad ar gyfer trin indrawn a addaswyd yn enetig (*Zea mays* L.) MON- 00810-6.

### **Unrhyw effaith y gall yr OS ei chael ar gymhwysedd deddfwriaethol y Cynulliad a/neu gymhwysedd gweithredol Gweinidogion Cymru**

Mae rheoli organebau a addaswyd yn enetig yn swyddogaeth ddatganoledig.

#### **Diben y diwygiadau**

Diben yr OS hwn (y weithdrefn negyddol) yw cywiro deddfwriaeth a ddargedwir sy'n uniongyrchol berthnasol i'r UE a Rheoliadau Organeddau a Addaswyd yn Enetig (Asesu Risg) (Cofnodion ac Esemptiadau) 1996, gan eu bod wedi'u llunio cyn dyddiad datganoli a'u bod yn berthnasol i Brydain Fawr. Byddai'r diwygiadau'n sicrhau bod modd i organeddau wedi'u haddasu'n enetig barhau i gael eu hawdurdodi, eu marchnata a'u trin. Deddfwriaeth gyffredinol yr UE yn yr achos yw Cyfarwyddeb yr UE 2001/18 ar ryddhau'n fwriadol i'r amgylchedd organeddau a addaswyd yn enetig.

Mae'r OSau a'r Memoranda Esboniadol sy'n cyd-fynd â nhw, ac sy'n nodi effaith pob un o'r diwygiadau, ar gael yma: <https://www.gov.uk/eu-withdrawal-act-2018-statutory-instruments>

#### **Pam y rhoddwyd cydsyniad**

Rhoddwyd cydsyniad i Lywodraeth y DU wneud y cywiriadau hyn o ran ac ar ran Cymru, am resymau'n ymwneud ag effeithlonrwydd, hwylustod ac oherwydd natur dechnegol y diwygiadau. Mae'r diwygiadau wedi cael eu hystyried yn llawn; ac nid oes unrhyw wahaniaeth o ran polisi. Diben y diwygiadau hyn yw sicrhau bod y llyfr statud yn parhau i weithio ar ôl i'r DU ymadael â'r UE. Mae hyn yn unol â'r egwyddorion ar gyfer cywiro y cytunwyd arnynt ym mis Mai gan Is-bwyllgor y Cabinet ar Bontio Ewropeaidd.